

FONDACIJA CURE VIJESTI

April/Maj/Juni 2023.

Drugo izdanie u 2023.

Želimo dobrodošlicu povodom novih Vijesti Fondacije CURE koje obuhvataju događaje i novosti iz naše zajednice tokom perioda april - juni 2023.
Uživajte u čitanju i ostanimo u kontaktu!

Zagovaranje za ženska prava u Bosni i Hercegovini

Fondacija CURE od 2021. godine implementira projekt Zagovaranje za ženska prava u Bosni i Hercegovini. Feminističke aktivnosti zagovaranja za ekonomsko osnaživanje i društvenoekonomске mjere podrške za većinu marginaliziranih skupina žena čine zasebni dio ovog projekta.

Cilj projekta jeste razvoj adekvatnih strategija i donošenje institucionalnih mjera ekonomskog osnaživanja marginaliziranih grupa žena s posebnim akcentom na žene koje su preživjele nasilje u porodici u FBiH.

Ekonomsko osnaživanje



Potemkinova kandidatura

Aktivistice Fondacije CURE u proteklom periodu su se sastale sa predstvincima/ama Agencije za ravnopravnost spolova Bosne i Hercegovine i Gender centra Federacije Bosne i Hercegovine. Cilj ovih sastanka bio je planiranje daljih koraka u davanju podrške ekonomskom osnaživanju žena i predstavljanje dokumenta "Ekonomski OsnaŽENE: Entitetska zalagačka platforma za pet kantona Federacije BiH: Unsko-sanski kanton, Posavski kanton, Kanton 10, Zapadno-hercegovački kanton i Srednjobosanski kanton".

Dale smo dopirnos prilikom pisanja izvještaja "Potemkinova kandidatura: Alternativni izvještaj o napretku Bosne i Hercegovine na putu za članstvo u Evropskoj uniji za 2022. godinu – politički kriteriji", te 24. 4. 2023. godine prisustvovale na predstavljanju alternativnog izvještaja kao i na panelu "Paradoksi napretka: Udar na ljudska prava u Bosni i Hercegovini nakon sticanja statusa kandidata za članstvo u EU" u organizaciji Inicijative za monitoring evropskih integracija BiH.

Pristup predvođen pokretom

U okviru projekta Movement-Led Approach (Pristup predvođen pokretom) koji je pokrenuo Globalni fond za žene (GFW) u osam balkanskih zemalja (Albanija, Bosna i Hercegovina, Hrvatska, Kosovo, Sjeverna Makedonija, Crna Gora, Slovenija i Srbija), radile smo na izradi dokumenata za uspostavljanje sistema za dodjelu grantova sa Komisijom za dodjelu grantova koju čini 16 najprepoznatljivijih branitelja/ica ženskih i LGBTI+ prava iz osam država naše regije. Jedna od aktivistica Fondacije CURE je na poziv GFW-a prisustvovala Globalnom sastanku za mapiranje rodnih pokreta u periodu od 13. do 17. 5. u Mexico Cityju.

Fondacija CURE je imala priliku da aktivisticama i članicama ženskih fondova iz različitih dijelova svijeta predstavi alat za mapiranje pokreta i proces koji je započet u osam balkanskih zemalja. Također je predstavljen i proces provođenja istraživanja "Pristup predvođen pokretom – Rodna pravednost" koje je imalo za cilj utvrditi kako se organiziraju feminističke i aktivističke kolektivne akcije sa područja Zapadnog Balkana, te kakvo je stanje samog feminističkog pokreta s fokusom na rodnu pravdu kao odgovor na porast anti-rodnog pokreta u regiji.

Iskustvena transformacija mirovnog aktivizma



Za jednakost i pravo svih žrtava na dostojanstvo i sjećanje, 31. 5. 2023. / Budućnost sa ili bez poveza preko očiju, 6. 6. 2023.

Aktivistice i članice Fondacije CURE prisustvovali su obilježavanju Dana bijelih traka u Prijedoru u organizaciji koalicije "Jer me se tiče". Obilježavanje Dana bijelih traka je podsjećanje na 31. maj 1992. godine kada je Krizni štab opštine Prijedor primorao nesrpsko stanovništvo da svoje kuće i stanove označi bijelim zastavama, a ukoliko se kreću gradom da moraju nositi bijelu traku oko ruke. Prijedorske bijele trake su

neoboriva činjenica utvrđena u sudskim procesima za ratne zločine.

Aktivistica Fondacije CURE učestvovala je 6. 6. 2023. godine na panel diskusijama u susret Međunarodnom danu borbe protiv seksualnog nasilja u sukobu: Tri decenije čekanja na pravdu u organizaciji TRIAL u Bosni i Hercegovini.



Izgradnja kapaciteta Ženske mreže BiH



Radionica transgeneracijskog prenosa znanja, 10. 5. 2023.,
Hotel Nomad Bjelašnica

Strateško planiranje Ženske mreže, 12. 5. 2023., Hotel Nomad Bjelašnica

Ženska mreža BiH fokus svog djelovanja usmjerila je na jačanje zalagačkih kapaciteta kroz tehničko poboljšanje naših socijalnih platformi. Naša web stranica www.zenskamreza.ba i dalje prenosi najnovije vijesti koje se tiču kvaliteta života žena i djevojčica u Bosni i Hercegovini, te predstavlja resurs za sve one koji/e traže informaciju više.

Održana je radionica transgeneracijskog prenosa znanja za mlade aktivistice. I pored toga što postoje teme o kojima treba da nastavimo da razgovaramo, mi smo sretne da mlade aktivistice uzimaju učešće u diskusiji – kako bismo pokrenule proces propitkivanja i uključivanja

novih generacija ne samo u Žensku mrežu BiH, već i u sam ženski pokret u Bosni i Hercegovini.

U maju je održano Strateško planiranje Ženske mreže na koje su bile pozvane predstavnice organizacija i inicijativa kao i mreža koje rade, svaka na sebi svojstven način, na unaprjeđenju ženskih prava. Naša želja bila je da propitamo kako i na koji način Ženska mreža BiH može biti na usluzi ženskim organizacijama i na koji način organizacije zajedno sa mrežom mogu da iskoriste resurse koji su nam na raspolaganju.

Razvoj kapaciteta Fondacije CURE

Ovo je dugogodišnji projekt koji pruža podršku razvoju kapaciteta članica Fondacija CURE, te doprinosi realizaciji programa prevencije stresa i sagorijevanja.

U periodu od 22. do 26. 5. članice tima Fondacije CURE organizirale su studijsku posjetu Zagrebu i Ljubljani. Ovom prilikom posjetile smo Zadužbinu Zagorka u Centru za ženske studije Zagreb, Centar za žene žrtve rata ROSA u Zagrebu, članice VOX Feminae festivala iz K-Zone Zagreb,

CESI Zagreb, Žensku sobu Zagreb, Mjesto Žensk iz Ljubljane i organizaciju Društvo SOS telefon za žene žrtve nasilja u Ljubljani, te smo razgovarale i razmjenile iskustva o aktivističkom radu sa 50 aktivistica i braniteljica ženskih prava. Imale smo priliku prisustovati javnoj tribini Pravo na život koja je organizirana u Zagrebu.

U periodu od 17. do 22. juna, članice tima Fondacije CURE bile su na timbuilding odmoru na Braču u Kući Seka.



Iskorjenjivanje rodno zasnovanog nasilja



Fondacija CURE, u saradnji sa Alternativnim centrom za devojke iz Srbije, Centrom za edukaciju, savjetovanje i istraživanje (CESI) iz Hrvatske i NVO Prima iz Crne Gore, realizira projekat UProot Gender Based Violence. Projekat ima za cilj podizanje kapaciteta i razmjenu

iskustava na regionalnom nivou kako bi se iskorijenilo rodno zasnovano nasilje. U prethodnom periodu išle smo na studijske posjete u Beograd, Zagreb i Podgoricu radi prikupljanja relevantnih informacija za izradu priručnika.



Studijska posjeta CESI, 10. - 12. 5. 2023., Zagreb

Studijska posjeta NVO Prima, 17. - 19. 5. 2023., Podgorica

Studijska posjeta Alternativnom centru za devojke, 31.5. - 2. 6. 2023., Beograd



Inicijativa „Građanke za ustavne promjene“

Inicijativa “Građanke za ustavne promjene” zalaže se za Ustav Bosne i Hercegovine koji će osigurati veću zaštitu ljudskih prava i sloboda, sa posebnim fokusom na rodnu perspektivu. Inicijativu su pokrenuli/e aktivisti/ce i organizacije iz cijele BiH, koji/e žele da ohrabre sve građane/ke da koriste svoje znanje, energiju i spremnost na uzajamno djelovanje i doprinesu ispunjenju ciljeva Inicijative. Radi se o neformalnoj grupi koja okuplja 35 organizacija civilnog društva i aktivista/ca koji/e kontinuirano rade na razumijevanju pojmova spola i roda, mira, slobode i ljudskih prava.

U prethodna tri mjeseca članice Inicijative održale su skupštinu Inicijative, a nakon toga sastale su se se članicama novoizabraniog Koordinacionog odbora. Održani su i sastanci sa:

- Mirjanom Marinković–Lepić, predsjedavajućom Predstavničkog doma

Parlamenta Federacije Bosne i Hercegovine i sa Dilistom Bašić, predsjednicom Komisije za jednakopravnost spolova Grada Tuzla;

- Anjom Ljubojević, potpredsjednicom Narodne skupštine RS (SNSD);
- Albinom Muslićem, poslanikom u Predstavničkom domu Parlamentarne skupštine Bosne i Hercegovine iz Kluba SDP-a, koji je i predsjedavajući Ustavnopravne komisije ovoga doma;
- Zagorkom Grahovac, zastupnikom u Narodnoj skupštini Republike Srpske i predstavnikom Partije za Pravdu i red.

U saradnji sa “Oslobođenjem” napisale smo tri medijska članka koja možete pročitati na <https://gradjankezaustavnepromjene.wordpress.com/> kao i dobiti sve dodatne informacije o Inicijativi.

Mir sa ženskim licem

Fondacija CURE jedna je od trinaest ženskih aktivističkih organizacija koja je članica Inicijative Mir sa ženskim licem koju vode Fondacija “Lara” Bijeljina i Udruženje “HO Horizonti” Tuzla. Inicijativa je formirana kao odgovor braniteljica prava žena na isključenje žena iz politika tranzicione pravde i neosjetljivost ovih politika na štetu i patnje koje su žene u BiH preživjele tokom rata i u godinama rehabilitacije od ratnih

posljedica. Aktivistice Fondacije CURE su se u okviru ove Inicijative pridružile obilježavanju Dana bijelih traka u Prijedoru 31. 5. 2023. Fondacija CURE je zajedno sa oko 50 aktivista/kinja u znak sjećanja na ubijanje Prijedorčana/ki prije 31 godinu učestvovala u mirnom okupljanju i protestnoj šetnji zahtijevajući da se izgradi spomenik ubijenoj djeci.

Inovativno istraživanje socijalnog rada u jugoistočnoj Evropi: Integriranje pravde, ljudskih prava i građanskog angažmana

Naučnici/e koji/e se bave socijalnim radom u jugoistočnoj Evropi razvijaju nove, kreativne i maštovite istraživačke metodologije. Zajednica istraživača/ica socijalnog rada proširuje postojeće i razvija nove epistemološke i pedagoške principe u obrazovanju u oblasti socijalnog rada u svrhu pravednijeg pristupa socijalnoj zaštiti, društvenom razvoju i aktivno angažiranom građanstvu.

Druga ljetna škola pod nazivom "Inovativno istraživanje socijalnog rada u jugoistočnoj Evropi: Integriranje pravde, ljudskih prava i građanskog angažmana" ima za cilj prikazati, promovisati i razmotriti različite metodologije koje vode prema društvenim promjenama, demokratizaciji i

pravednom građanstvu u cijeloj regiji jugoistočne Evrope. Cilj ljetne škole je dvojak: (i) educirati studente/ice socijalnog rada da postanu kritički orientirani/e korisnici/e istraživanja i (ii) educirati sljedeću generaciju istraživača/ica socijalnog rada da se kritički bave epistemologijama i metodologijama u istraživanju i praksi vezanim za društveni razvoj, demokratizaciju i socijalnu pravdu.

Ljetnu školu, projekt Southeast Women's Academic Leadership Network-a, organiziraju Fondacija CURE, Univerzitet u Sarajevu i Univerzitet u Prištini.

CURE - INICIJATIVE VOLONTERSKOG KLUBA

Feministički Book Club

Fondacija CURE od početka 2023. godine organizira Book club za članice, aktivistice, volonterke i druge osobe koje su zaneresirane da se druže jednom mjesечно razgovarajući o različitim feminističkim temama. Bookclub je siguran prostor bez osude čiji je cilj da izazove

zanimljive diskusije. To je okruženje u kojem učimo zajedno. Diskusije se vode na engleskom jeziku. Pored knjiga, komentarišemo i pokrećemo diskusiju oko određenog filma. Nakon ljetnih odmora nastavljamo sa radom Book Club-a.

Stažiranje i volontiranje

Fondacija CURE ima oko 15 aktivnih volonterki koje doprinose radu i rastu same fondacije. Redovni sastanci i komunikacija preko Viber grupe dešava se gotovo svakodnevno i tu smo da podržimo sve inicijative i prijedloge naših volonterki.

CURE MREŽE

EuroMed Feministička inicijativa

Fondacija CURE je članica EuroMed feminističke inicijative EFI - zagovaračke mreže koja obuhvata organizacije za prava žena s dvije obale Mediterana i zagovara ravnopravnost spolova i prava žena kao neodvojiva od izgradnje demokratije i građanstva, politička rješenja za sve

sukobe i pravo naroda na samoodređenje. U prethodnom periodu u Parizu smo održale sastanak sa 10 članica mreže na kojem su se vršile pripreme za strateško planiranje. Članica Fondacije CURE trenutno obnaša funkciju predsjednice Odbora mreže.

Mreža za izgradnju mira

Mreža je nastala u cilju dugoročnog povećanja sposobnosti bh. društva da se na konstruktivan i nenasilan način nosi s nasljeđem naše nedavne historije, s različitostima, latentnim ili otvorenim

sukobima. Čineći ove napore, Mreža teži poboljšanju kvaliteta društvenog i ekonomskog života u BiH.

ERA - Savez za jednaka prava LGBTI osoba na Zapadnom Balkanu i u Turskoj

ERA - Savez za jednaka prava LGBTI osoba na Zapadnom Balkanu i u Turskoj je regionalna mreža koja se bavi unaprjeđenjem prava LGBTI osoba (lezbijki, gejeva, biseksualnih osoba, transrodnih osoba i osoba s rodno specifičnim identitetima) na području Zapadnog Balkana i Turske. Glavni ciljevi organizacije su borba protiv

diskriminacije, nasilja i kršenja ljudskih prava LGBTI osoba, te promoviranje inkluzivnog društva u kojem će svi pojedinci i pojedinke imati jednaka prava i mogućnosti, bez obzira na njihovu seksualnu orijentaciju, rodni identitet ili izražavanje.



Organizacioni odbor Povorke ponosa

Povorka ponosa održana je 24. 6. 2023. u Sarajevu. Aktivistica Fondacije CURE prisustvovala je radionici na kojoj je bilo 20

studenata/tica na temu Solidarnost – BH Povorka ponosa i izložbi na Akademiji likovnih umjetnosti u Sarajevu.

Povorka ponosa, 24. 6. 2023., Sarajevo



Ženski sud – regionalni organizacioni odbor

U Beogradu je 26. 6. 2023. održan Ženski sud: feministički pristup pravdi – slučaj Foča. Međunarodni krivični sud za bivšu Jugoslaviju je prvi put u slučaju Foča utvrdio da se seksualno rastrojstvo smatra zločinom protiv čovječnosti. Ipak, i pored ove istorijski značajne presude, neki od seksualnih zločina nad ženama i muškarcima



Ženski sud: feministički pristup pravdi – slučaj Foča, 26. 6. 2023., Beograd

Foče, nažalost, nisu objelodanjeni niti priznati, već su prešućeni i zaboravljeni... Iz tog razloga smo željele da nastavimo, zajedno sa ženama i muškarcima Foče, da zahtijevamo pravdu za žrtve seksualnih zločina u Foči i šire.

Neformalna mreža Digitalna bezbjednost i privatnost

Fondacija CURE članica je prve neformalne regionalne mreže za digitalnu bezbjednost i privatnost.

NEĆU. NE MORAM. NE
TREBAM. NE ŽELEM.
NISAM BAMA I NISAM
TRAŽILA !!!



U sklopu projekta Iskorijenimo rodno zasnovano nasilje u toku je online kampanja s ciljem slanja poruke o nultoj toleranciji na nasilje, a trenutno su dostupni i Viber stikeri koji promoviraju nultu toleranciju na nasilje.



Događaji kojima smo pružile podršku i učestvovale u procesima



NAGRade i ZAHVALNICE

Zahvalnica Grada Sarajeva Jadranki Miličević

Gradonačelnica Sarajeva Benjamina Karić sa gradskim vijećnicima Adijem Škaljićem i Alenom Girtom uručila je 11. 4. 2023. Zahvalnice Grada Sarajeva Jadranki Miličević i Udruženju "Mreža za izgradnju mira". "Prepoznali smo nesebičan

doprinos aktivistice Jadranke Miličević u procesima koji za cilj imaju da unaprijede ženska prava, ali i naš grad kao mjesto ugodnog rada i življenja za sve", poručeno je na prijemu u Vijećnici.

CURE - OSTALE AKTIVNOSTI


Fondacija CURE dobila je poziv od JU OŠ "Avdo Smajlović" da organizira radionice na temu "Šta je nasilje?" početkom juna sa učenicima/ama sedmih razreda osnovne škole. Održano je pet radionica sa pet odjeljenja i radilo se sa preko 100 učenika/ca. Razgovarali/e smo o tome koliko je nasilje zastupljeno među mladima, na koji način reagirati u situacijama nasilja i kome prijaviti nasilje.

Aktivistica Fondacije CURE sudjelovala je kao panelistica na temu "Seksualno nasilje u sudnicama i izvan njih! Nisu žene i djevojke krive što su pretučene, silovane, ubijene! Krivi su nasilnici i sustav!" u sklopu Ženskog festivala Women of the World (WOW) od 3. do 5. 4. 2023. u Atini, Grčka.

Aktivistica Fondacije CURE bila je jedna od predavačica na radionici "Rodno zasnovano nasilje nad Romkinjama u Bosni i Hercegovini" koju je organizirala Atlantska inicijativa u maju 2023. godine, a na kojoj je učestvovalo oko 50 predstavnika/ca institucija i civilnog društva. Studijska posjeta delegacije Ukrajinskog ženskog fonda održana je 25. i 26. 5. 2023. Predstavnice Fonda željele su da tokom svoje posjete Bosni i Hercegovini razgovaraju sa ključnim osobama u vezi teme "Otporni zajedno. Unaprjeđenje sustava odgovora na seksualno nasilje u ratu". Bilo im je važno da čuju naša iskustva u radu sa ženama koje su preživjele ratno nasilje i upoznaju se sa pravnim okvirom.

Aktivistica Fondacije CURE je na Fakultetu političkih nauka učestvovala na panelu "Stvarajmo društvo bez nasilja nad ženama". Događaju je prisustvovalo preko 20 učesnika/ca. Predstavljene su aktivnosti i akcije koje je Fondacija CURE organizirala i pokrenula u prethodnom periodu, a odnose se na borbu protiv nasilja nad ženama i djevojčicama i problem femicida u BiH.

Članice Tima Fondacije CURE dale su podršku mladim aktivisticama Naidi Hajro i Merjem Mašić prilikom organiziranja Žive biblioteke u Sarajevu u prostoru DKC-a i Doma pisaca gdje je bilo preko 150 učesnika/ca. Živa biblioteka funkcioniра na principu prave biblioteke. Jedina razlika je u tome što je "čitanje" u Živoj biblioteci zapravo razgovor s Knjigom. Knjige su osobe koje sa Čitaocima dobrovoljno razgovaraju o izazovima s kojima se suočavaju zbog toga što su malobrojniji i/ili drugaćiji od ostalih. Drugim riječima, svi su pozvani da otvore "korice" Knjige, a ne da o Knjizi sude po njenim "koricama". "Knjige" koje su čitatelji/čitateljice mogli/e da iznajme taj dan nisu mogli/e da čuvaju dugo kao što možda čuvaju one klasične, ali susret sa knjigama ostavio je veliki trag. Neke od knjiga koje su čitatelji/čitateljice imali/e priliku da čitaju su: "Kad tijelo vrišti", "Mješanka", "Sloboda kao imperativ", "Nevidljivi umjetnik", "Znak za riječ", "Izvan oKVIra", "Druga strana života", "Tranzicija srca", "Boje mog identiteta" itd.



CURE - OSTALE AKTIVNOSTI

Aktivistica Fondacije CURE sudjelovala je 8. 4. 2023. kao predavačica na devetoj Feminističkoj prolećnoj školi 2023. u Vrnajčkoj Banji u organizaciji Alternativnog centra za devojke iz Kruševca i Centra za umetnost i zajednicu – Artpolis iz Prištine.

Aktivistica Fondacije CURE prisustvovala je panel diskusiji pod nazivom "Od ekrana do ulice: kultivacija sigurnih prostora", koju je organizirala Agencija lokalne demokratije Mostar (LDA Mostar) u okviru projekta Mostar – Prostori koji pokreću. Na diskusiji je prisustvovalo 150 osoba, a cilj je bio potaknuti mlade da razmišljaju o uticaju govora mržnje na internetu (online javnom prostoru) i o dešavanjima u fizičkim javnim prostorima, te ponovo pokrenuti diskusiju o prednostima i izazovima zakonskog reguliranja govora mržnje na internetu u cilju proglašavanja internetskih platformi javnim mjestima.

Aktivistica Fondacije CURE učestvovala je na Ženskim razgovorima – Feministički pristup pravdi, susretu aktivistica za ženska prava u Vrnjačkoj Banji u periodu od 24. do 27. 4. 2023., u organizaciji Udruženja žena Peščanik, Srbija i Asocijacije žena

Mitrovice za ljudska prava, Kosovo. Sudjelovalo je 28 učesnica.

Aktivistica fondacije CURE je rješenjem Vlade Kantona Sarajevo imenovana u Tim za izradu Gender akcionog plana Kantona Sarajevo za period od 2023. - 2026.

U Neumu je održan sastanak umrežavanja gdje se pored regularnog jačanja savezništva platformi koje podržava Kvinna till Kvinna, otvorio prostor za razmjenu mišljenja i iskustava o domaćem ženskom aktivističkom/feminističkom pokretu, odnosno pokretima (mogućnosti i izazovi), kao doprinos već postojećem dijalogu o ovom važnom pitanju. Između ostalog, istražili/e smo nove puteve zajedničkog angažmana za veći uticaj, diskusiju i razmatranje načina kako pojačati glasove aktivista/ica, uključujući i kako podstaći zajedničku akciju u borbi protiv rastućih etnonacionalističkih i antirodnih pokreta u zemlji. Sastanku je prisustvovalo oko 30 učesnika/ca.



UGOSTILE SMO U FONDACIJI CURE

Fondacija CURE je u periodu od aprila do juna 2023. godine organizirala sastanke, učestvovala u intervjima i upitnicima i radila sa preko 50 osoba (pojedinaca/ki i predstavnika/ca organizacija) s ciljem izgradnje ženskog pokreta, promocije ženskih prava, te dogavora oko buduće saradnje. Ponosne smo se što smo na različite načine sarađivale sa različitim osobama, organizacijama, međunarodnim organizacijama i institucijama, od čega izdvajamo:

- tokom studijske posjete Bosni i Hercegovini, predstavnici/e Centra za romske inicijative iz Crne Gore posjetili/e su kancelariju Fondacije CURE;
- popunile smo upitnik opštine Centar Sarajevo;
- organizirale smo sastanke sa studentima/cama vezano za pisanje njihovim magistarskim, master i doktorskim radova;

- održale smo sastanak sa Internacionalnim univerzitetom Burch s ciljem unaprjeđenja saradnje i razmjene nastavnog osoblja i studenata/ica s visokoškolskih ustanova u Bosni i Hercegovini, s naglaskom na kadrovsko osnaživanje prilikom ispunjavanja uslova u procesu integracije Bosne i Hercegovine u EU;
- održale smo sastanak sa predstavnicima/ama AISEC-a;
- održale smo sastanak sa predstavnicima/ama NDI-a;
- ugostile smo dio tima od preko 20 osoba iz nizozemskog Instituta za proučavanje kriminaliteta i provedbu zakona (Institute for the Study of Crime and Law Enforcement) koje su posjetile Udruženje "Zaboravljena djeca rata iz Sarajeva", a Fondacija CURE im je ustupila svoje prostorije i prezentirala svoj rad na temu mirovnog aktivizma.

AKTIVNOSTI KOJIMA SMO PRISUSTVOVALE

Fondacija CURE je u periodu od aprila do juna 2023. godine učestvovala u preko 15 aktivnosti koje su organizirale druge organizacije, a gdje smo imale priliku da se umrežavamo i povežemo sa preko 250 osoba aktivnih u oblasti ženskih prava u BiH i regiji. Učestvovale smo na različitim događajima, radionicama, konferencijama, okruglim stolovima i diskusijama od čega izdvajamo: sastanak "Snažnije zajedno" koji je organizirala TRAG Fondacija sa članicama Savjetodavnog odbora; mentoring učešće projektu mapiranja ženskih organizacija u Bosni i Hercegovini koji provodi Evropski pokret Srbije; Okrugli sto "Rodne (ne)jednakosti na tržištu rada u BiH: ženska strana priče ili priča kompanije?" i predstavljanje projekta "Međusektorsko partnerstvo za ljudska prava i rodnu ravнопravnost na tržištu rada" u organizaciji Fondacije INFOHOUSE i Fondacije LARA;

sastanak Vijeća Evrope "Ka jednakoj, inkluzivnoj i tolerantnoj Bosni i Hercegovini"; trening finansijske održivosti; događaj Ženske romske mreže USPJEH pod nazivom "U susret Svjetskom danu Roma i Romkinja"; Online konferenciju "IT – jučer, danas, sutra" povodom Međunarodnog dana žena i djevojaka u ICT sektoru pod sloganom #weareunited; projekciju filma "Reakcija: Mizoginija u digitalnom dobu"; izložbu posvećenu kulturi sjećanja u BiH i ujedno podsjećanje na rad Jovana Divjaka; javni događaj EU info povodom Povorke ponosa u BiH; učešće na sastancima GAP FBiH radi izrade operativnog plana; prijeme u ambasadama Nizozemske i Norveške; učešće u studijskoj posjeti Fondacije za osnaživanje žena Bugarskoj; učešće na sestrinskom festivalu "Festival ženskog prijateljstva" u Tutinu, Srbija.

Osamnaesti PitchWise festival ženske umjetnosti i aktivizma (PW) u Bosni i Hercegovini 2023.

ODLUČNE CURE RUŠE PATRIJARHAT – MI TO RADIMO VEĆ 18 GODINA!

Ove godine Fondacija CURE obilježava i slavi punoljetstvo PitchWise festivala ženske umjetnosti i aktivizma! Da, dobro ste pročitali – PW je odrastao i proslavlja svoj 18. rođendan! Ovo je posebna godina za nas jer smo kao festival sazrele u jedinstveno iskustvo koje vam pruža nezaboravne trenutke i nevjerojatan doživljaj.

Festival ženske umjetnosti i aktivizma PitchWise počinje u četvrtak, 7. 9. 2023. godine u 18:00 sati u Historijskom muzeju BiH, a završava 10. 9. 2023. godine u poslijepodnevnim satima. Cjelokupni program održava se u Sarajevu.



PRATITE NAS I PRIKLJUČITE NAM SE!

📞 +387 33 207 561

✉️ info@fondacijacure.org

🌐 www.fondacijacure.org

ƒ fondacijacure

📷 @fondacijacure

🐦 @Fondacija_Cure

📺 Fondacija CURE

Hvala donatorima i donatorkama u 2023.!

Global Fund for Women (GFW); Fondacija TRAG/Fondacija OAK; Mediterranean Women's Fund; Sigrid Rausing Trust; Women's World Day of Prayer (WWDP) - German Committee; Western Balkans Fund; Julia and Dennis Watkins Foundation USA; Kvinnor till Kvinnor (KTK)/Helsinki Committee For Human Rights; Heart and Hurt Found